

PRIMLJENO: 02.09.2011			
Organizaciona jedinica	Klasifikaciona oznaka	Redni broj	Broj priloga
01/a-50-19-918/11			

Deklaracija Kulturnog foruma BiH

Dokument o ostvarivanju Strategije kulturne politike Bosne i Hercegovine i novoj kulturnoj politici

Umjetnici, kulturni djelatnici, institucije kulture, umjetničke organizacije, asocijacije i akteri kulturnih projekata zahtijevaju:

- hitno realiziranje Strategije kulturne politike Bosne i Hercegovine usvojene u septembru 2008. godine od Vijeća ministara BiH;
- ostvarivanje ciljeva Strategije kulturne politike Bosne i Hercegovine i Akcionog plana usvojenog u srednjoročnoj strategiji kulturalnog razvoja Bosne i Hercegovine;
- uspostavljanje radnog dijaloga između predstavnika zakonodavne i izvršne vlasti na svim nivoima s umjetnicima i kulturnim stvaraocima i institucijama o trenutno izuzetno teškoj i nezavidnoj poziciji kulture i umjetnosti u bosanskohercegovačkom društvu; neprihvatljivom prepuštanju kulture i umjetnosti tržištu u vrijeme ekonomske krize, recesije i vidljive depresije koja razara jedan od najdragocjenijih resursa razvoja Bosne i Hercegovine;
- intenzivan rad na promjeni shvaćanja kulture kao dijela javne potrošnje i njenog pozicioniranja kao jednog od ključnih faktora ekonomskog i socijalnog razvoja;
- intenzivan rad na promjeni shvaćanja kulture kao dijela javne potrošnje i njenog pozicioniranja kao **investicije od posebnog društvenog interesa za budućnost** kulturnog, socijalnog i ekonomskog razvoja;
- da se kulturalni razvoj Bosne i Hercegovine tretira kao jedan od temeljnih preduvjeta za izlazak iz globalne ekonomske krize.

Umjetnici, kulturni djelatnici, institucije kulture, umjetničke organizacije, asocijacije i akteri kulturnih projekata zahtijevaju da se:

- osigura pravo svim građanima na kulturu kao jedno od temeljnih ljudskih prava i sloboda;
- osigura potpuna sloboda i zaštita autorskih prava u skladu s evropskim i svjetskim standardima;
- garantira potpuna sloboda izražavanja i publiciranja;
- realizira program razvoja kulturne infrastrukture;
- osiguraju uvjeti za radnu, penzijsku, zdravstvenu i socijalnu sigurnost umjetnika;
- regulira status slobodnih umjetnika na nivou Bosne i Hercegovine, omogućiti obrazovanje u Bosni i Hercegovini i svijetu kroz podršku talentima putem državnih i međunarodnih fondova za obrazovanje i usavršavanje talenata;
- da podrška Bosne i Hercegovine u međunarodnoj promociji i poticanju koprodukcije u kreiranju kulturnog kapitala kroz povezivanje javnog i privatnog kapitala;

- realizira zahtjev iz Strategije kulturne politike Bosne i Hercegovine o formiranju komisija za razvoj kulture od općinskog do državnog nivoa u kojima će biti više od 60 posto neposrednih stvaralaca u kulturi;
- formira agencija za razvoj kulturne politike Bosne i Hercegovine;
- ispituju postojeći programi kulturnog razvoja na svim nivoima u Bosni i Hercegovini.

Umjetnici, kulturni djelatnici, institucije kulture, umjetničke organizacije, asocijacije i akteri kulturnih projekata zahtijevaju da se:

- objave svi postojeći zakoni i nacrti zakona iz oblasti kulture kako bi se uključili u raspravu o izgradnji savremenog koncepta kulture i kroz zakonska rješenja osigurali demokratizaciju, decentralizaciju i održivi razvoj kulture u Bosni i Hercegovini;
- usvoji zakonska regulativa u svim oblastima stvaralaštva (kulturna baština, izdavaštvo i bibliotekarstvo, arhitektura, moda i dizajn, likovna, muzičko-scenska, filmska i druge umjetnosti);
- razmotri formiranje fondova za ove djelatnosti na osnovu državnog zakona i zakona na drugim nivoima vlasti u Bosni i Hercegovini;
- svi relevantni dokumenti (deklaracije, konvencije i odluke organizacija UNESCO, WIPO, WTO, EU i Vijeća Evrope) učine javno dostupnim kako bi proces euroatlantskih integracija i uvođenja svjetskih standarda u kulturu i umjetnost pratila i bosanskohercegovačka legislativa i projekti umjetnika i kulturnih institucija;
- iznosi svih postojećih budžetskih sredstava za kulturu budu transparentni;
- prezentiraju liste svih evropskih i svjetskih fondova i pravila za period 2007-2013. godina za koje imaju pravo korištenja umjetnici i kulturne organizacije iz Bosne i Hercegovine;
- oslobode poreznih obaveza svi sponzori i mecene kulturnih projekata i stimuliraju za nova ulaganja u kulturne projekte i umjetnost;
- uvede nulta stopa PDV-a na izdavaštvo i medije;
- izgrade i revitaliziraju objekti – muzeji, biblioteke, pozorišta, filmske i koncertne dvorane, laboratoriji, istraživački centri i drugi objekti potrebni za razvoj nove kulturne industrije;
- podupire promocija bosanskohercegovačkih brendova u kulturi, obrazovanju i turizmu;
- angažira Statistički zavod Bosne i Hercegovine da redovno prati sve relevantne podatke Kulturne politike BiH i formira agencija za kulturnu politiku Bosne i Hercegovine;
- stvori operativno-informativna logistička baza podataka koja će radi podrške biti dostupna svim umjetnicima, kulturnim organizacijama i asocijacijama.

Umjetnici, kulturni djelatnici, institucije kulture, umjetničke organizacije, asocijacije i akteri kulturnih projekata zahtijevaju:

- preispitivanje kadrovske politike u svim institucijama, prije svega stručnosti i kvalificiranosti radnih tijela koja pripremaju planove i donose odluke koje se tiču interesa i potreba umjetnika i kulturnih organizacija;

- da u nova ustavna rješenja budu unesene ključne odrednice koje se odnose na kulturno-historijsku baštinu i kulturu Bosne i Hercegovine;
- formuliranje rasta udjela kulture u projekcijama ekonomskog i socijalnog razvoja Bosne i Hercegovine kroz zajednička radna tijela predstavnika vlasti i kulturnih institucija i umjetnika;
- radikalnu promjenu budžetske politike, kojom se mora, već u rebalansima budžeta za tekuću godinu, ugraditi odluke zasnovane na općeprihvaćenom stavu da je kultura dio ekonomsko-socijalnog razvoja društva, a ne samo dio javne potrošnje;
- da Predsjedništvo BiH i Parlamentarna skupština BiH usvoje zakon o priznanjima i odlikovanjima umjetnika;
- da se najmanje jednom godišnje na Parlamentu BiH razmatra ostvarivanje zahtjeva iz Strategije kulturne politike Bosne i Hercegovine i formira Komisija za kulturu PSBiH.

Umjetnici, institucije kulture, umjetničke organizacije, asocijacije i akteri kulturnih projekata pozivaju sve zainteresirane u Bosni i Hercegovini da podrže Deklaraciju kojom se zahtijeva ostvarivanje Strategije kulturne politike BiH.